

海

峰

詩

集

海峰詩集

桐城劉大槐才父

今體詩三

歸家

長安城中生計微。束載裹糧徒步歸鄉里。小兒競
蠶觸廟堂老翁多是非。自歎蕭蕭病葉墜。仰看落
落明星稀。丈夫蹭蹬不得志。愧爾溪邊雙鷺飛。

薄暮

殘陽沒未盡。月出似初陽。鳥劃長天影。星浮大地

海峰詩集

今體卷三

光浮榮辭爾輩生計老江鄉肯效窮途哭愁來獨
盡觴

自歎

鄉園去京國足可三千里九載一歸來人生堪有
幾

江上

江上青山繡作堆柴門終日鎖蒼苔蓮當葉吐龜
初上桐及花時鳳正來

樓上

世。事。兼。身。事。新。愁。併。舊。愁。迴。風。吹。薄。袂。片。雨。過。南。
樓。碧。草。茫。茫。晚。青。山。處。處。秋。獨。將。千。古。恨。相。逐。水。
東。流。

齋居晚興

風。廊。移。竹。簾。檣。枕。聽。流。泉。鳥。道。千。峰。簇。松。梢。一。月。
圓。蟲。聲。侵。宇。下。鶴。影。落。階。前。漸。忘。青。門。路。柴。扉。自。
歲。年。

暮歸

墟。里。寒。烟。起。殘。陽。漸。覺。低。路。分。牛。矢。外。家。在。鶴。巢。

西。傍。嶺。衣。霑。翠。新。晴。展。有。泥。祗。應。掩。蓬。戶。寂。寞。伴
雞。栖。

訪胡山人

山。中。處。士。舊。知。音。水。隔。雲。封。不。可。尋。遙。望。人。烟。翠
微。裏。放。船。直。過。落。花。林。

對花

小。桃。花。色。照。深。卮。脫。帽。垂。頭。見。二。絲。莫。向。尊。前。歎
花。落。明。年。花。更。有。開。時。

山中暮歸

一路寒山起暮霞。山前流水寺前花。昏鴉滿樹鐘聲動。馬影殘陽客到家。

把酒

高城過雨角聲秋。把酒燈前自獻酬。莫對衣襟思往事。酒痕狼藉是揚州。

科頭

科頭茅屋下。不知誰賓主。湖水日當門。青山澹無語。

尋山二首

著屐携筇枝深淺向前去。山迴水又來。我行安得住。

一石定一登。一溪還一渡。前山微靄生。已復無尋處。

野望

山盤鳥道千峰外。地據龍舒萬壑西。似畫水田秧馬驟。連天雲樹竹雞啼。文章江左羞驚俗。事業隆中早杖藜。已分袖間長縮手。却看輪斷倍含悽。

晚晴

雲氣垂天合。雷聲殷地回。逕郵春水滿。半嶺夕陽開。永日供多病。明時老不才。蕭條桑柘外。岐路獨徘徊。

王氏別業

我愛幽棲處。到來無世塵。牧童當戶卧。山鳥下階馴。柳葉春藏閣。梅花夜襲人。若非城市外。焉置此閒身。

春山

曉起見春山。興來成獨往。綠樹與雲齊。微聞啄木

響。

春陰

十日春陰結柴門，
不開高松作濤響。
鶴毳忽飛來。

野寺

野寺頗宜人，
言尋贊公室。
遙遙望不分，
樹杪浮圖出。

池上

晴日陰雲翳，
復開小池清。
淺映莓苔蕭蕭蘋，
末風

初起淅淅連東雨已來

贈歌人

白頭流落向江天鳳唱淒涼沸舞筵曾奏霓裳充
立部何人解識李龜年

家在

家在寒山外門前澗壑重疎梅帶積雪缺月隱深
松獨酌依餘火長歌懷老農西隣渾不寐夜靜遠
聞春

倚樓

把卷常依樹。看山獨倚樓。雪餘松骨老。春近鳥聲柔。迅疾驚黃鵠。雍容笑白鷗。卽看溪水漲。乘興命扁舟。

山居春早

出門無所適。閉戶每經時。松葉忽成韻。嶺雲無定姿。午雞啼上屋。春草綠過池。生計從寥落。幽人吉在茲。

江鄉

榮落殊途與世忘。百年生計老江鄉。連邨樹色千

家擁繞戶溪流十里長。淺草夜涼喧鼓吹，疎枝春暖出旗槍。故交零落無消息，一望燕雲泣數行。

吳女誦經圖

繡佛齋中恰稱身，白蕉衫子紫荷巾。金剛誦罷松煤滑，自署頭銜善女人。

江行

春江三月楝花風，徐引孤帆向碧空。夾岸郵亭似丸脫，扁舟已到海門東。

舟夜聞砧

清江言集
卷三
斷。岼。野。風。急。寒。江。秋。水。深。百。年。人。事。淚。千。里。客。途。
心。獨。坐。依。星。斗。長。歌。撫。劒。鐔。誰。能。當。此。際。淒。絕。更。
聞。砧。

真州郊外

垂楊萬縷夾官河。攜酒遊人自唱歌。改席更依深。
樹裏。柳郎墳上落花多。

揚州

洪河東注大江流。千古雷塘土一邱。二十四橋明。
月色。可憐添作二分愁。

題馬秋玉小照

山館瓊瓏勝辟疆。水雲深處午風涼。此閤合著高人坐。看轉松陰到夕陽。

夜泊閶門

垂楊婀娜拂楓橋。閶門東駐畫桡。此夜月明如白晝。吳娘猶唱雨瀟瀟。

江南曲

山光如黛草如茵。宛轉橋通曲水濱。楊柳樓臺春喚酒。櫻桃巷陌夜留人。

兩岍

兩岍高樓上。珠簾半不明。飛帆下江水。去住總含情。

武邱逢蔡芳三

把酒燕山暮。雨時中郎大筆最淋漓。六年流落無消息。今日逢君短簿祠。

過崑山

江橋楓落酒旗閒。高鳥長天去不還。一曲吳娘歌宛轉。瀟瀟暮雨過崑山。

江口晚泊

客路一程過幾回。風浪生寒空。秋雁沒斷岬。晚烟橫楚火。江中見吳山。月半明。鄉書猶未達。淚盡石頭城。

夜泊金陵

蟲聲四野合。月色大江秋。畫角天門戍。清歌白下樓。六朝興廢跡。三載往來愁。縱有蘭陵酒。人生易白頭。

金陵

龍盤虎踞勢峻嶒。三百年來幾廢興。今日斷雲飛不去。落花如夢下鍾陵。

卽景

武定橋邊聽玉簫。浮圖百丈倚寒宵。一時燈火千枝出。倒入秦淮影動搖。

羈懷

朗月初升玉笛飄。羈懷入夜更無聊。盡將六代興亡淚。流入秦淮作暮潮。

夜上寺樓

黃葉落欲盡。禪棲滿院秋。鳥啼殘夜月。獨上白門樓。
戍鼓疎。仍擊星河澹。不流江城千萬戶。靄靄似雲浮。

秦淮

鶯啼花落綠陰稠。烟雨蒼茫獨上樓。無復南朝舊
踪跡。秦淮河內水悠悠。

聞笛

陰雲低覆晚潮生。破夢疎花幾樹明。桃葉渡頭聞
玉笛。可憐春恨滿南京。

逢錢五

與君生小卽相知到處萍踪似有期今日踟躕不能別相逢桃葉渡頭時

登燕子磯

江上秋風鴈影翩振衣長嘯坐層巔人當獨立應遺世鳥自羣飛欲刺天

宿勝福寺

幽尋歷澗壑破蘚屢攀登古寺藏修竹陰厓尙積水鴉聲迴曉夢曙色逼殘燈此地無塵鞅閑眠且

曲肱

大悲閣眺望

弱柳絲絲裊天桃處處蒸江帆低帶岼浦樹曲藏
罾決去知非計淹留恐未能曲欄天一角愁絕每
長凭

感懷再從亡弟藥邨

兄弟朋儔有夙因一朝化去與誰親春郊並馬時
如昨夜雨連牀跡已陳死別漸欺初日諾長貧難
作託孤人鬼魂可得無知識相見還應淚滿巾

重過勺園追憶張二閑中

暫別曾驚會面遲。他生重見更無期。往來倏忽分
人鬼。天地蒼茫任偶奇。少小追思多可嘆。園林再
過不勝悲。長廊蝴蝶花開處。猶記持杯共對時。

山行

騎驢入空山。澗水春流漲夾澗。盡梅花風吹酒旗
颺。

橋上

草色蕭蕭碧。嵐光澹澹晴。閉門凡幾日。波漲與橋

平

獨吟

和。空。山。少。人。行。深。林。古。木。大。林。間。偶。獨。吟。黃。鳥。來。相。

我生

柳。外。東。風。至。山。雲。吹。向。西。晴。嵐。化。爲。雨。碧。草。半。霑。泥。隔。水。踈。花。動。依。人。獨。鳥。啼。我。生。饒。進。退。肯。作。觸。藩。羝。

夏日晨起

朝霞迎海日。散作綺羅紅。水靜長林外。花香宿露中。閉門西閣午。高枕北窓風。若論人間事。浮雲空復空。

晚晴

疎雨鳴還寂。野花生暗馨。日邊雙鳥白。霞外一天青。力薄依瓜地。才微守石經。放懷應賴酒。誰忍獨長醒。

潭上

靜夜無與適。披衣起長望。天寒月色高。人立空潭上。

上

雨後山行

新陽北嶺明宿雨東林晦怪底鳥聲幽身行萬花
內

送李生入蜀

巫峽扁舟上岷江遡發源懸崖千仞裏烟樹與啼
猿帆共朝雲遠亭留暮雀喧王孫有寡女莫學犬
郎禪

送人之武昌

江水正東注。滄浪又北來。二江流合處。壓岍起樓臺。
煙火萬家聚。風雲四面開。登臨興不淺。於此創金罍。

懷徐崑山

漫說卽官應。紫虛脩負閒。散復趑趄懷。賢父手成。
新詠忍。餓循環。買故書。坐擁百城真。自樂兼收二。
項復何如。不須賦鵬傷斜日。
時教授藩府會見遭時入。

禁廬

憶朱生孝純

絳帷曾與坐春風。猶憶當時舊戴崇。三載薊門頻
出入。百年岐路各西東。文章自古能行遠。凍餒何
人歎屢空。容易浹時相。見否暮天寒靄下。征鴻

池上

池上曉風微。山雲迭相送。雨來荷葉喧。驚破雙鷗
夢。

趺趺

趺趺溪石間。槐影遶相覆。迤邐白雲來。榮迴入襟
袖。

過雨

過雨已濛濛。歸雲猶靉靆。含情江上峰。九子今安在。

謝人送米

風塵相望日。老病索居人。杖策尋山寺。烹蔬拾澗薪。故交勞送米。欲別淚盈巾。飢飽有天命。知非我獨貧。

送人歸蜀

夜雨蘼蕪綠。春風杜宇飛。長江天際落。遠客峽中歸。

歸地有岷峨勝田收芋栗肥此間堪偃息何事拂
征衣

送人之荊州

孤客棹扁舟荆襄溯上游楚吳蟠地遠江漢合天
流暮雨高唐觀春風黃鶴樓念君同夜月獨自聽
猿愁

卽景

波上忽驚飛浮沉互爭捷首下尻自高喧喧雨中
鳴

際曉

中宵雨乍喧。際曉風徐引。童子忽驚呼。東籬見新筍。

晚坐

雨過竹陰涼。獨坐臨池徑。時見一螢流。還依菰葉暝。

晚晴

隱隱雲端飛紫電。潺潺石罅落紅泉。鵝黃過雨千絲柳。卵碧殘陽萬里天。短髯自悲頻計日。長繩難

繫是流年人生百事須拋擲惟有亡何最可憐

荒郊

山空地僻居民少盡日蓬門無客敲碧水半篙魚
在藻青松千尺鶴歸巢鏡中雪髮羞相對牀上儒
冠頓欲拋不信畊桑是吾事祇今買犢到荒郊

感懷

閱世如觴夢觀生類涸鱗曉星存與沒秋葉病兼
貧古蔓纏籬密新苔被徑勻野人隨分足何事得
生嗔

酒醒

九月霜初重。三更酒欲醒。殘燈留暗壁。落月下空庭。世路知難合。吾生豈暫寧。惟應與田父。相對眼猶青。

登鶴鳴山

破蘚屢投足。攀蘿時引領。躊躇日已西。難上高峰頂。

地僻

地僻有餘閑。天寒多遠色。衆鳥盡高飛。遙遙入空

碧

湖上

寒水浸遙空。朽株浮近岫。倘逢海上槎。乘之入河漢。

梅花

梅樹手所植。今年花出牆。斷雲春寂寞。初月夜荒涼。獨酌有尊酒。孤眠聞妙香。人生不常好。兩鬢忽如霜。

獨吟

日落見歸鳥。蒼茫聊獨吟。疎梅人外瘦。積雪月中深。豈復千塵事。徒知守舊林。古來高卧者。應共此時心。

喜友人病起見過

見爾驚猶在。愁心翻不禁。相看疑夢寐。回憶重呻吟。共話寒燈晦。閑階積雪深。餘生速爲樂。携酒數追尋。

嘲客不飲酒

故人不飲酒。枉駕欲何爲。快意總無忌。銜杯應及

時鳥言殊自媚。花笑復多姿。持此空相對。春芳恐見嗤。

題方甥閻壽草兼送其行

海山遊歷十年餘。英俊多才衆不如。早歲已空千里馬。他時應讀五車書。草芽接膝欣逢汝。風雨論文更起予。朋輩近來凋落盡。可堪別淚上衣裾。

送齊上姚

故人忽忽命巾車。三載連牀一夢餘。從此南齋少顏色。謾勞明月照窓疏。

送客

江干送故人。月黑風色暮。遙聽挂帆聲。蕭蕭渡江去。

蓬戶

蓬戶少人跡。空林惟鳥巢。野風吹柵葉。涼月上松梢。衣食終無計。妻孥幾欲拋。早知儒服誤。難免俗情嘲。

懷張東臨

回看握手共遊嬉。豈解流光若驟馳。老態更增前

會日酒狂無復少年時。可能好事君如舊。應有閑情我未知。鎮日含愁不相見。春江細雨浴鸕鷀。

過龍陀山追憶嚴大晴江

爾薄浮雲歛上征。出門無地款柴荆。對牀夜雨攤書卷。攜手春山聽鳥聲。二十年來餘一面。八千歲裏已三生。匆匆決去何爲者。恨殺殷勤止宿情。余漂泊在外與晴江別近二十年歸里偶一款門晴江出酒肴共酌因留對床話舊余必不肯留揮手別去自後不復相見遂成永訣迄今以爲恨事

對菊

江上西風夕照偏。東籬黃菊故嫣然。夜深把燭殷勤看。從此相逢又一年。

夜泊

江空明月迴。水合碧塵流。老樹藏茅屋。飛花到客舟。已經吳地盡。更作楚山游。古昔棲遲士。誰云爲食謀。

海峯詩集

桐城劉大槐才父

今體詩四

自嘲

劇孟尋常是弟。舅幾年落魄。氣空存。歌朋酒伴。凋零盡。自策疲驢。入薊門。

塗中

深秋落葉正紛綸。歷歷雲間過雁新。萬里不辭長作客。孤村只恨未逢人。

客舍不寐

客舍天難曉。虛窓月易低。海潮聽秣馬。金奏想鳴雞。
雞半世空流水。餘生合杖藜。如何苦馳逐。南北復東西。

經臞菴先生京師故第

重問華堂自汗顏。十年卮酒夢魂間。南天光氣留箕宿。
東魯儒生失泰山。巷陌蕭條空往復。邱墳磊落闕號攀。
信陵門下三千士。惟有侯嬴尙抱關。

送望溪先生南歸

國。老。古。來。重。浩。然。歸。故。鄉。人。依。遊。釣。處。星。到。斗。牛。
傍。衡。泌。棲。遲。好。詩。書。意。味。長。他。時。南。關。里。請。益。更。
登。堂。

送李穆堂先生南歸

駟。蓋。辭。燕。市。風。烟。接。蠡。湖。興。從。三。逕。遠。恩。自。九。天。
敷。蹇。難。誰。相。迫。文。章。得。自。娛。祗。憐。來。學。者。何。處。問。
迷。途。

哭劉大司寇歸櫬

橫。馬。隨。重。嬰。厥。車。出。禁。闥。關。河。千。萬。里。孤。幼。而。三。

人士類思推轂朝端痛秉鈞西風旌旆遠颯颯暗
沙塵

歲暮

歲云暮矣客子悲忽憶去年家居時典衣沽酒友
朋集深夜草堂風雪吹忽忽人生一大夢踈踈我
輩如殘棋死生窮達不相管轉蕩漂流隨所之

送張弘勛之山左

平子胸中萬斛愁卽今乘興欲東游側身弱日一
長望日觀天門紫翠浮

除夕

帝里飄流二十年。霜華吹到髣毛邊。寒燈旅館尋常事。却笑尙書夜不眠。

憶舊

半生朋舊總漂流。離別關山幾地秋。惟有相思無畔。峴華風邊月不勝愁。

送人歸華山

昔聞陳道士。高卧華山中。直以隱淪跡。千秋挂碧空。汝歸將採藥。余意在冥鴻。他日登仙掌。狂歌帝

座通

送李開第歸吳

二月燕闌雪隨風上玉珂。野花迎路發春色。過江
多才子。樓船渡佳人。細馬馱新詩。應更好。共和有
羊何。

送迓耕石下第南歸

秋色不堪望。况聞鴻鴈悲。故人俱落魄。此地惜分
離。歲月隙中過。文章身後知。無爲效兒女。相顧涕
漣漣。

聞笛

西北高樓上。誰家玉笛聲。秋風正搖落。楊柳幾枝生。
對月轉蕭寂。摩空忽憤盈。江南未歸客。今夜重含情。

對丁香花有感

中年惜春色。忽忽歲光徂。卯酒紅猶在。丁香澹欲無。
天心無旦晚。人事有榮枯。豈得同前哲。功名擅八區。

送人歸里

襪被共君返。塵牽終未歸。倉皇聊一送。惆悵掩雙扉。
笑話不重得。音書休更稀。聚羣惟鹿豕。因見昔人非。

題謝香祖硯香書院圖

夜深積雪明。虛館絕鳴籟。時有讀書聲。蕭條出林外。

塞下曲四首

狐裘白馬赴丁零。蓬轉鵬飛草不青。欲向五原問春色。落梅長在笛中聽。

營門夜啟月如霜。樂府聲傳出塞長。一曲未終探
騎返。前軍生得谷蠡王。

明月陰山積雪殘。羽林十萬逐呼韓。漢皇只愛西
涼地。無奈秦時白骨寒。

橫笛淒涼不可聞。牙旗半卷九天雲。檉桿峯下沙
如海。時見黃羊一雨羣。

畫馬

斑點桃花汗血驄。雙翻碧蹀向春風。西行萬里求
龍種。肯信名駒蔓草中。

悵望

悵望高天墜露初。姮娥只在月中居。莫言天上人間別。較是人間樂有餘。

西山

西山過雨染朝嵐。千尺平岡百頃潭。啼鳥數聲深樹裏。屏風十幅寫江南。

懷鮑步江

寂寂空庭落葉翻。故人無地問寒溫。孤懷寄與南征鳥。一夜乘風到海門。

對影

夜靜西風吹女蘿。羈人對影轉相呵。酒場半減童兒態。詩思終嫌感慨多。一寸青雲難自致。滿頭白髮奈君何。却愁桂樹障明月。擬向吳剛借斧柯。

送張繡楓

張翰還吳會。秋風猶未吹。登臺一長望。海上碧雲滋。余亦離家久。歸來未有期。送君如折藕。零亂不成絲。

落葉

秋風入庭樹。半夜葉皆飛。幾片逐流水。空齋方掩扉。飄飄如自得。漫漫欲安歸。對此輒長歎。回頭萬事非。

就寢

羈人方就寢。啼鳥莫驚寤。聊憑蝶夢餘。栩栩江南去。

九子山圖

我家門外長江水。江水之南山。萬重今日却從圖。畫上青天遙望九芙蓉。

懷徐五不至

一室蕭條絕垢氛。與誰相對細論文。碧天萬里秋如水。過盡寒鴉不見君。

送張少儀

征車歷歷布重茵。把酒惟餘一再巡。今日送君渾似夢。不知誰是遠行人。

過故第

侯家池館畫圖開。幾日閨門銷碧苔。惟有翩翩舊時蝶。不知春去却飛來。

逢棊客

風飄電轉晚雲浮。歷歷平生似夢遊。猶有如棊客。客在挑燈重與話揚州。

送李寧人儀部視學山東

自古詩書地。安車使者行。廟堂風肅穆。晃嶧氣崢嶸。蔓草始皇碣。荒烟微子城。臯比看習禮。君得接諸生。

送吳冠山編修視學福建

手提秦代鏡。朗照到閩中。不斷蓮峯雨。相迎劔浦。

風茶花水玉碧荔子火珠紅莫學九方過羣良
旦空

送金汝白修撰視學江西

朱旛持使節汲引盡羣才庾亮樓看月康王谷殷
雷鴈過彭蠡澤人上鬱孤臺白鹿鵝湖義須令繼
後來

送佟受茲侍讀視學陝西

使節紆紅旆西行極玉闕學人收馬鄭文士得揚
班鸚武璵瓏谷燕支淺淡山寒窓念咭畢一倍惜

時艱

清明

春風一夜度金城。無限鄉心夢不成。
紅映桃花青拂柳。洗粧樓外過清明。

有感

三千世界一微塵。何用文章泣鬼神。
君看他時親戚大。陳雲劉勸兩農人。

對雨

春雨濛濛似雪飛。桃花水長釣魚磯。
潞河一夜千

艘集不遣孤帆載客歸

過西苑二首

殿門西迤舊離宮。絳闕瑤房麗碧空。一水地開紅
斗帳。五龍天出畫屏風。

楊柳絲絲拂帽裙。菱荷迭映水氤氲。橋宛轉千
尋雪。鳳閣嵯峨五色雲。

少年行二首

含光出匣箭橫腰。縱獵春塲載歌驕。忽憶新豐沽
酒市。鳴鞭直詣董嬌嬈。

自愛春衣杏子紅。雕鞍側坐玉花驄。酒樓宴罷不
歸去。相和清歌明月中。

周穆王

穆王西狩弇山還。歌舞承恩幾廢餐。却倚偃師爲
傳會。更教內御與同看。

送謝香祖歸宜興

出郭一相餞。黯然銷我魂。舟通菴溪水。人去孝王
園。何日共杯酌。昨宵聞笑言。歸來掩關坐。殘月照
西軒。

送人之西域

安西人去少君去。過安西。雪嶺朝霞上。陽關落照低。隨風沙漠漠。過雨草萋萋。斷絕春光處。還聞烏夜啼。

送朱生入蜀

萬里行旌遠。三巴驛路新。山川無隙地。日月暫窺人。棧閣花如障。陽臺雨是神。携來天漢石。何處訪嚴遵。

送姚南青歸里

老病天涯客。相依惟女生。艱虞一朝散。懷抱向誰傾。世事皆如此。天心不肯平。兒童相愛慕。今日豈無情。

羈客歎

客子無人惜。衣衫常垢污。匏瓜無人食。終日繫門閭。

感興

山林竹帛雨。無從故國他鄉意。萬重夜月高天新。雁驚秋風落日古。盧龍。

自問

拂龜端策計皆窮。自問孤懷孰與同。何忍不鳴當
仗下。只應曳尾在泥中。

春望

大慧菴中雨。積苔玉泉山下水。潏洏易看。日下峯
西去。難得春歸。塞北來。

御溝水

御溝流水日潺潺。水自無心流自閒。縱使急流云
得地。可能天上勝人間。

懊惱曲三首

在家貧亦得莫向長安去。鵝子經天飛何如還故處。

侯封人所羨那得忘鄉里。郎若出門時銅鞮落江水。

種松巖石下已失凌霄勢。客遊江海間便作長年計。

懷迓四賡若二首

不見故人久因知吾道窮。山川望不極雲樹鬱蔥。

蔥。吠。雪。從。南。犬。知。冰。豈。夏。蟲。天。涯。與。地。角。相。願。總。
飄。蓬。

薄。祿。不。須。羨。天。年。母。已。終。三。冬。富。文。史。數。口。託。南。
東。詩。與。古。人。和。飲。將。田。父。同。翻。思。少。年。日。意。氣。爲。
誰。雄。

卧。病。見。月。簡。葉。書。山。方。頌。椒。姚。南。青。諸。子。
終。年。滯。旅。舍。戶。牖。積。層。陰。瞥。爾。見。新。月。悽。然。懷。舊。
林。老。知。榮。利。絕。窮。戀。友。朋。深。欲。就。故。人。話。其。如。病。
不。禁。

對雪

塞北歲將盡。江南人未歸。郊園常晝掩。雨雪忽霏霏。
羸病侶時相過。雄圖久已違。此身如斷梗。何敢歎無衣。

旅懷

遼海東邊月。流輝照旅顏。淒其望鄉眼。空憶皖公山。
未有一枝託。惟餘兩鬢斑。何時聽瀑水。響落碧雲間。

送左賜照歸里

風吹枯柳樹人去古燕關同作天涯客羨君今獨
還閨中離少婦堂上接慈顏勿以龍眠勝含情欲
買山 賜照妻室在京而父母在故鄉

題劉照邨自鏡圖

其圖用二童子夾持少時
畫像橫卷於榻前更用一

童子持鏡向主人主人捋鬚對鏡

影形相贈幻非常終古浮生一電光寄語五陵年
少客休從前度認劉郎

一劍

一劍孤存又蒯緤天涯淪落幾春秋斷腸水調銷

言集 卷四
魂月齊到新豐舊酒樓

懷沈冠雲

故人揮手海天東。消息虛傳二載中。
曉上燕臺高處望。江南雲樹遠朦朧。

送陳未齋先生祭告禹陵

奠定周寰宇。山川入會稽。
蛟魚存赤子。雷雨護元圭。
詔命三台迴。香烟萬里迷。
幾時重把酒。細酌問新題。

送徐淑浦

暫辭金馬署。遠過洞庭湖。視草思中禁。投詩弔左徒。
徒地蟠三楚。大風近百蠻。殊相憶時南。望飛來履是鳧。

送大兄之官黔中

我病無歸路。君爲邊塞遊。關山逾萬里。暑雨向黔
陬。異域餐宜慎。徭民道用柔。如何垂老日。兄弟各
漂流。

送王大歸長沙

秋氣滿燕市。揚帆歸故都。讀書嶽麓寺。垂釣洞庭湖。

湖以我作前鑑勸君休後圖君看古賢達強半在
泥塗

送張秀峯二首

春明門外柳。麤麤無奈離人酒。半酣翻怪多才。更
開府爲誰辛苦憶江南。

南國歸人道。里遙青山疊疊水迢迢。孤舟夜泊微
風。岼誰與袁宏伴寂寥。

餞別沈歸愚少宗伯歸里

崢嶸一代隱侯才。晚節聲名動上台。故舊十年勞

記憶風雲千里共低徊。蔡邕倒屣羣賢接，玉粲登樓好句來。
集九賢寓崔書首唱惟有青衫最憔悴，也隨冠蓋坐銜杯。

尋山

布襪青鞋到處便，春風吹上萬山巔。玉龍偶挂脣
甕外，忽憶江南雨後天。

寄長命縷詩并答二首

宮絲長命縷，縈迴五色絲。繫郎腰帶上，長得寄相思。

色與朝霞爛。絲隨暮雨飄。但能長命在。相見日非遙。

自贈

生年愚且魯。入世耗兼聾。學業牛蹄水。人情馬耳風。文章無所用。計畫祇增窮。百歲虛過半。淒涼旅舍中。

感春

花枝零落鳥聲頻。載酒芳郊未有因。杜宇何須怨春去。春光愁殺獨醒人。

人生

人生不稱意。歲月費消磨。強作逢時語。常因弔古歌。蛩聲秋更急。雨氣夜偏多。欲作歸家計。如無一頃何。

自歎

旅館青燈照獨眠。鴈聲歷歷落階前。山林鐘鼎無歸處。飄泊生涯二十年。

攬衣

殘雨滴離魂。羈愁起夜猿。攬衣開暗牖。兀坐至朝

江邨
歌鳥道蛛絲颺花叢蝶影翻誰能更飄泊去矣向

擬王建宮詞十首

宮女如花侍宴歡蓬萊宮殿九霄寒金梯宛轉凌
空上直作姮娥月裏看

畫袴朱衣作隊行新翻法曲轉春鶯內家粧束男
兒樣舞盡金蓮學不成

梨園弟子玉璫龍樂府新聲絕代工一曲未終銀
漢轉水精簾外月如弓

瑤池宴飲月輪高。仙樂鏗鐳奏玉璫。不盡甘雞和。
楚酪酒。闌宣賜。鄭櫻桃。

宜春深院閤風烟。魚藻波回放畫船。楊柳垂絲花。
破萼。不知春到阿誰邊。

雲母屏風翠羽帷。承恩宮女闋腰支。趙家飛燕休。
相如。自古紅顏能幾時。

迴廊千步積蒼苔。隔院聲聲羯鼓催。無奈夜長宮。
漏永。西風吹上玉階來。

梧桐畫檻月波舒。玉枕薰籠待漏餘。四壁黃金成。

底用長門無地買相如。

長楊高樹落花秋。凝碧池頭夜雨收。却恨君恩似
花落隨風片片逐東流。

旭日舒光照上林。材官鬪射競從禽。回頭一笑雙
雕落。飛騎齊頒少府金。

送姚姬傳下第歸里

幾載一相見。同心遽背違。飄零惟我慣。淪落送君
歸。甦聽霜蹄蹶。終看怒翼飛。關河阻魂夢。莫遣報
書稀。

留別郭昆甫

款曲醒還醉。悲涼晨復昏。故人從此別。斯世與誰言。古道今難合。蛾眉衆所尊。祇應江上宅。終日閉柴門。

入山

山如碧玉圍。石似紫烟霏。樹作蒼龍卧。泉爲白練飛。溪頭茅屋在。馬上客心違。舍此不棲息。吾將誰與歸。

途中所見

侵晨策馬行。目盡平蕪裏。林外白光浮。驚看長湖水。

山行

空山人獨行。春日雨初晴。異鳥聞姑惡。寒林綴女貞。
龍蟠潭水暗。虎過谷風生。動定皆天命。無勞歎不平。

過汶上贈鄧明府二首

雲水升沉致不倫。少時攜手最情親。近來誰問巴
恭祖。天下爭傳召信臣。汶上相逢明月夜。京華圓

憶廿年春如今白髮同尊酒拭淚驚看夢裏人
孤雲日暮苦無依萬事從前悵已非劫火燒殘公
相在文章命達古今稀衰年作客嗟何久多病逢
秋始欲歸舊里自知無舊業滿頭霜雪釣魚磯

揚州呈運使盧公

憶昔登龍得所歸凌風却月鎮相依酒卮磊落花
初放詩句縱橫蝶乍飛到處逢人嗟植徧似公知
我古今稀白頭還向滄江去依舊龍舒一布衣

過望溪先生龍潭別墅

游名言集 卷四
醉過西州涕淚并鳥飛花落總無情關西伯起殊
多難江左夷吾詎敢名高安朱相國會稱先生爲
誓欲相從慚九死空聞會葬忝諸生公孫僑管夷吾一流人抵今卮酒論
經處更得何人一字評

滎澤渡河過北邙山有感

北邙南去見繁臺伊闕轘轅次第來二室並標天
漢出三河分控帝圖開置身虞夏將何適浪跡乾
坤任不才陵谷遷移人代速荒原策馬不勝哀

遊伊闕有懷姚六姬傳

連山中關兩扉齊伊水奔流到洛西巖鑿蜂房棲
佛座寺浮蜃市接雲梯幾回閱世成灰劫依舊空
林自鳥啼忽憶故人今遠別與誰携手步沙堤

洛陽送客

太行橫北起伊闕迤東開此地君歸去何年我復
來牽衣不忍別把酒重相催日落斑駁遠山寒夕
鳥廻

底柱

崑崙九曲勢奔傾疏鑿功高澤水平天接西秦分

嶽色人從東洛聽。河聲真如怒馬凌空下。豈有瑤
芝徹夜明懷古。登臨倍惆悵黃神祠外。野烟橫

懷大兄晉定

吾衰今潦倒。君病豈康強。衣食奔趨久。風塵道里
長。關河多阻隘。魂夢隔津梁。何日能休暇。餘年老
故鄉。

懷張繡楓

莫謂多才是少年。詩情酒貌盡堪憐。人中騏驥能
千里。海上扶搖定九天。一自別離頻悵望。空教魂

夢與周旋恨君不及流鶯意時送清音到耳邊

寄翁兆漆

年少高才始發硎小桃花下戶長扃承歡切至多
容色汲古精微入杳冥前輩風流今已邈後堂絲
竹汝曾聽西州門外山如舊從此扁舟不忍停
與余同受業望溪先生門下

懷張裴叔

桃花開徧皖公城一片殘霞照水明風雨幾年衡
嶽夢瀟湘斜日故人情名賢到處防魑魅古道論

交畏甲兵龜策豈能知此事空階獨立恨難平

次韻答嚴遙青

昔賢垂竹帛吾黨自山林瞻望殊方事蒼茫萬古
心故人多遠念梁父發高吟絕唱不能和空聞弦
外音

懷胡一士

讀書千卷未知名久處囊中自不平富國會師齊
管仲治河豈讓漢王橫不辭抱泣和無足依舊潛
光玉在剗成敗論人吾未敢鄉閭在昔有公評

上書言沿河及錢法二事

賦得月中桂 同人讌集分賦

清虛宮殿託根長。珍木西園遜鬱蒼。玉葉扶疏疑
地影。金花縹緲落天香。授春兔老秋飛露。斯斧人
眠夜有霜。萬頃琉璃兵衛滿。攀援何日詠霓裳。